

**OVLAŠTENO TIJELO ZA SPROVOĐENJE PROJEKATA MEHANIZMA ČISTOG RAZVOJA/RAZVITKA KJOTO
PROTOKOLA OKVIRNE KONVENCIJE UJEDINJENIH NARODA O PROMJENI KLIME U BOSNI I HERCEGOVINI**

DOPUNA POSLOVNIKA

**O RADU OVLAŠTENOG TIJELA ZA PROVOĐENJE PROJEKATA MEHANIZMA ČISTOG RAZVOJA/RAZVITKA
KJOTO PROTOKOLA OKVIRNE KONVENCIJE UJEDINJENIH NARODA O PROMJENI KLIME U BOSNI I
HERCEGOVINI**

Na osnovu člana 5. Odluke o osnivanju ovlaštenog tijela za provođenje projekata mehanizma čistog razvoja/razvitka Kjoto protokola Okvirne konvencije Ujedinjenih naroda o promjeni klime ("Službeni glasnik BiH", br 102/10 i 45/15), Izvršni odbor ovlaštenog tijela (DNA - Designated National Authority) za provođenje aktivnosti koje spadaju u obaveze definisane mehanizmom čistog razvoja (Clean Development Mechanism-CDM projekti) i mjerama za ublažavanje klimatskih promjena (Nationally Appropriate Mitigation Actions-NAMA projekti) Kjoto protokola Okvirne konvencije Ujedinjenih naroda o promjeni klime, na sjednici održanoj _____ 2015. godine, d o n o s i

DOPUNU POSLOVNIKA

o načinu rada ovlaštenog tijela- DNA BiH (DNA - Designated National Authority), za provođenje aktivnosti koje spadaju u obaveze definisane mehanizmom čistog razvoja/razvitka (eng. Clean Development Mechanism-CDM) i mjerama za ublažavanje klimatskih promjena (Nationally Appropriate Mitigation Actions-NAMA) Kjoto protokola Okvirne konvencije Ujedinjenih naroda o promjeni klime

Predmet uređivanja

Član 1.

(1) Ovom dopunom Poslovnika o radu ovlaštenog tijela- DNA BiH, detaljno se uređuje postupak stručne ocjene i odobravanja prijedloga projekata za sprovođenje mjera za ublažavanje klimatskih promjena u BiH- (u daljem tekstu: NAMA projekti), a u okviru obaveza Bosne i Hercegovine po Kjoto protokolu i Okvirnoj konvenciji Ujedinjenih naroda o promjeni klime.

(2) U odnosu na postojeći Poslovnik o radu ovlaštenog tijela DNA BiH, uloge i odgovornosti ovog tijela se proširuju na poslove ocjene i odobravanja NAMA projekata za koje se traži podrška u pripremi i realizaciji.

(3) Sastav i organizaciona šema ovlaštenog tijela- DNA BiH za poslove navedene u prethodnim stavovima ostaju nepromijenjeni i u skladu su sa Odlukom o osnivanju ovlaštenog tijela za provođenje projekata mehanizma čistog razvoja Kjoto protokola Okvirne konvencije Ujedinjenih naroda o promjeni klime.

Značenje izraza

Član 2.

Pojedini izrazi korišćeni u ovoj dopuni Poslovnika o radu ovlaštenog tijela DNA BiH imaju sljedeća značenja:

- „Mjerenje, izvještavanje i verifikacija (eng. MRV)“ obuhvata parametre za mjerenje napretka u realizaciji NAMA projekata, kao i mjerenje ili ocjenu njenog uticaja u smislu smanjenja količine emisije i postizanje vezanih održivih koristi u razvoju. Predlagač, odnosno nosilac projekta je odgovoran za mjerenje i izvještavanje, a verifikaciju smanjenja emisija može vršiti samo nezavisno pravno lice/kompanija akreditovano za ove poslove .
- „NAMA projekti u domenu politike“ su programi i mjere u vidu ekonomskih podsticaja ili donošenja i izmjene standarda, koje srovođe nadležni organi vlasti, koji jesu ili će biti uvršteni u stalne propise i realizovani instrumentima politike. Cilj ovih NAMA obično je primjena transformacione vizije i realizuju se na državnom/ entitetskom ili sektorskom nivou. Na primjer: „fid-in“ tarife (FITs) za obnovljive energentne u mreži, šeme za trgovinu količinama emisije i građevinski propisi koji postavljaju standarde energetske efikasnosti. Ove mjere su koncipirane tako da promovišu ili uvode promjenu u ponašanje na strani regulisanih strana sa ciljem postizanja željenih ishoda.

- „NAMA registar“ je javna *online* platforma koju vodi Sekretarijat UNFCCC-a, uspostavljena sa ciljem evidentiranja NAMA za koje se traži međunarodna podrška radi lakšeg sparivanja podrške u formi sredstava, tehnologije i izgradnje kapaciteta sa ovim aktivnostima i prepoznavanja drugih mjera. Domaće NAMA dostavljaju se Registru UNFCCC-a radi uvažavanja napora zemlje u skladu sa međunarodnom obavezom da se smanji emisija gasova sa efektom staklene bašte, a NAMA za koje se traži podrška, pored NAMA registra UNFCCC-a, mogu se dostaviti različitim izvorima finansiranja, kao što je Zeleni klimatski fond (GFC), ili različitim bilateralnim NAMA platformama.
- „Poslovi Sekretarijata DNA BiH“ su definisanje i primjena određenih politika u domenu mjera za ublažavanje klimatskih promjena (NAMA); zaprimanje prijedloga NAMA projekata koji se realizuju na teritoriji entiteta i Distrikta Brčko u skladu sa nadležnošću; ocjena i usvajanje NAMA projektne dokumentacije; podnošenje prijedloga NAMA projekata Stručnom savjetu i traženje stručnog mišljenja o projektnoj dokumentaciji i usvajanje ili odbijanje NAMA projekata;
- „Programske NAMA“ su prelazni oblik između NAMA u domenu politike i projektnih NAMA, i obuhvataju aktivnosti poput kampanja i programa sa posebnom namjenom. Na primjer: povlačenje svih neefikasnih kotlova na ugalj u određenom vremenskom periodu, ili svih vozila koja ne zadovoljavaju određene standarde.
- „Projektne NAMA“ predstavljaju konkretne investicije, generalno u čistiju infrastrukturu ili opremu. Na primjer: solarne elektrane i vjetroelektrane, promovisanje poljoprivrede sa minimalnom obradom ili korišćenje energetski efikasnih industrijskih motora.

Član 3.

- (1) Pravno lice- predlagač NAMA projekta podnosi nadležnom Sekretarijatu DNA, prijedlog za podršku u pripremi odnosno prijedlog za podršku u realizaciji.
- (2) Ukoliko je izdato odobrenje za NAMA projekat u pripremi a predlagač traži podršku u realizaciji, dužan je podnijeti novi prijedlog nadležnom Sekretarijatu DNA, u skladu sa članom 5. ove dopune Poslovnika o radu DNA BiH.

Podnošenje prijedloga za podršku u pripremi NAMA projekta

Član 4.

- (1) Da bi se odobrio prijedlog NAMA projekta za koju se traži podrška u pripremi, predlagač NAMA projekta nadležnom Sekretarijatu DNA podnosi:
 - Zahtjev (Prilog 1) za provjeru i odobrenje NAMA, koji se upućuje nadležnom Sekretarijatu DNA. Ako se aktivnosti u okviru NAMA odnose na teritoriju izvan jednog entiteta ili Distrikta Brčko, predlagač NAMA zvanično podnosi dokumentaciju svakom Sekretarijatuovlaštenog tijela na čijoj teritoriji se mjera realizuje;
 - prijedlog koji priprema predlagač izrađuje se u skladu sa formatom (http://unfccc.int/cooperation_support/NAMA/items/7476.php) i smjernicama UNFCCC-a, a u slučaju da se NAMA kandiduje za neki drugi izvor finansiranja, na relevantnim obrascima tijela čija se podrška traži;
 - kratak opis NAMA, u kom se daju glavne karakteristike projekta i pokazuje njen doprinos održivom i niskoemisionom razvoju zemlje (slobodan tekst);
 - izjavu o dobrovoljnom učešću u NAMA (Prilog 2);

- ostalu prateću dokumentaciju koju predlagač NAMA projekta smatra relevantnom, kao što su: studije izvodljivosti, procjene, primjeri sličnih projekata u drugim zemljama, itd.
- (2) Cjelokupna dokumentacija iz prethodnog stava mora biti dostavljena na jednom od jezika konstitutivnih naroda u BiH i engleskom jeziku, u štampanom i elektronskom obliku.

Podnošenje prijedloga za podršku u realizaciji NAMA projekta

Član 5.

- (1) gg Da bi se odobrio prijedlog NAMA za koju se traži podrška u realizaciji, predlagač NAMA projekta nadležnom Sekretarijatu zvanično podnosi sljedeću dokumentaciju:
- Zahtjev koji je adresiran na nadležni Sekretarijat DNA (Prilog 1). Ako se aktivnosti u okviru NAMA odnose na teritoriju izvan jednog entiteta ili Distrikta Brčko, predlagač NAMA zvanično podnosi dokumentaciju svakom Sekretarijatu ovlaštenog tijela na čijoj teritoriji se NAMA realizuje;
 - Prijedlog koji priprema predlagač izrađuje se skladu sa formatom: https://unfccc.int/files/cooperation_support/nama/application/pdf/02-nama-seeking-support-for-implementation-v1.0.pdf i smjernicama UNFCCC-a, a u slučaju da se NAMA kandiduje za neki drugi izvor finansiranja, na relevantnim obrascima tijela čija se podrška traži. Ako prijedlog sadrži povjerljive informacije, predlagač NAMA dostavlja i verziju koja će se koristiti u svrhe objavljivanja;
 - Kratak opis NAMA, u kom se daju glavne karakteristike projekta i pokazuje njegov doprinos održivom i niskoemisionom razvoju zemlje (slobodan tekst);
 - Izjavu o dobrovoljnom učešću u NAMA (Prilog 2);
 - Odluku o pripremi ocjene uticaja na životnu sredinu (EIA) ili sâma ocjena ako je prema domaćim ekološkim propisima obavezna; te
 - ostalu prateću dokumentaciju koju predlagač NAMA projekta smatra relevantnom, kao što su: dozvola za korištenje vode, građevinska i upotrebna dozvola, sporazum o nabavci električne energije, studija izvodljivosti, itd.
- (2) Svaki podneseni zahtjev, uključujući prateću dokumentaciju, dostavlja se na jednom od jezika konstitutivnih naroda u BiH i engleskom jeziku, u štampanom i elektronskom obliku.

Ocjena prijedloga NAMA za koju se traži podrška u pripremi i prijedloga NAMA za koju se traži podrška u realizaciji

Član 6.

- (1) Nakon prijema tražene dokumentacije, nadležni Sekretarijat DNA provjerava njenu potpunost u roku od 4 radna dana, dodjeljuje NAMA jedinstveni broj, registruje NAMA u svojoj bazi podataka i čuva originalne primjerke dokumentacije u arhivi.
- (2) Ukoliko dostavljena dokumenacija nije potpuna, prema listi datoj u Prilogu 1, Sekretarijat DNA traži od predlagača NAMA da nedostajuću dokumentaciju podnese u roku od 10 dana.
- (3) Ukoliko predlagač NAMA ne dostavi traženu dokumentaciju u određenom roku, zahtjev se smatra odbijenim, a ukoliko i dalje postoji zainteresovanost za datu NAMA, predlagač mora dostaviti novi zahtjev.
- (4) Nakon provjere potpunosti dostavljene dokumentacije, nadležni Sekretarijat DNA šalje dopis sa zahtjevom za ocjenu, na osnovu kriterijuma definisanih aktima Vlada oba entiteta i Distrikta Brčko, imenovanim članovima Stručnog savjeta, odnosno Tima za poslove sekretarijata iz Republike Srpske u DNA BiH (u daljem tekstu: Tim). U roku od 6 radnih dana, nadležni Sekretarijat DNA, u konsultaciji sa članovima Stručnog savjeta odnosno Tima, može da sačini listu eventualno zainteresovanih ministarstava čiji

predstavnicu ne učestvuju u radu Stručnog savjeta odnosno Tima i zatraže mišljenje na osnovu dostavljene dokumentacije.

(5) Na kraju ocjene, svaki stručnjak ispunjava obrazac za ocjenu (Prilog 3) i podnosi ga Sekretarijatu DNA putem svog ministarstva u roku od 15 radnih dana od dana prijema Zahtjeva.

(6) Ako nadležno ministarstvo ne dostavi odgovor u navedenom roku, smatraće se da je ministarstvo odobrilo NAMA prijedlog.

Pristup javnosti

Član 7.

(1) Istovremeno sa procesom ocjene na Stručnom savjetu odnosno od strane Tima, nadležni Sekretarijat DNA postavlja dostavljeni prijedlog NAMA projekta za koji se traži podrška u izradi odnosno realizaciji na internet stranicu www.unfccc.ba i internet stranicu datog entiteta i/ili Brčko Distrikta na period od 30 dana. U ovom periodu, prijedlog se može dostaviti svim zainteresovanim stranama na zahtjev.

(2) Verzija prijedloga NAMA za koju se traži podrška, koji se postavlja na internet stranicu, ne smije da sadrži nikakve povjerljive informacije ako predlagač NAMA tako zahtjeva. Uz zahtjev, predlagač NAMA dostavlja i verziju prijedloga koja će se koristiti u svrhe objavljivanja, a koja ne sadrži povjerljive informacije.

Konačno odobrenje NAMA projekata

Član 8.

(1) Kada Stručni savjet odnosno Tim završi ocjenu i prijedlog bude dostupan javnosti, nadležni Sekretarijat DNA donosi konačnu odluku u roku od 5 radnih dana.

(2) Ako svi stručnjaci uključeni u proces ocjene daju pozitivno mišljenje i ukoliko nema većih primjedbi iz konsultacija sa javnošću, NAMA se odobrava.

(3) U slučaju da jedan stručnjak da negativno mišljenje ili se u komentarima javnosti iznesu ozbiljnije primjedbe (koje se dostavljaju Stručnom savjetu odnosno Timu), NAMA se odbija.

(4) Nakon donošenja odluke, Sekretarijat DNA priprema Zahtjev za izdavanje odobrenja (Prilog 4) ili odbijenicu. Forma odbijenice nije određena, a obavezno se navode razlozi odbijanja. Sekretarijat DNA priprema zapisnik sa kratkim pregledom tehničke ocjene (uključujući kopije obrazaca za ocjenu) i komentarima javnosti. U zapisnik se unose sve druge informacije koje su relevantne za odobravanje mjere.

(5) Ako je potrebno da prijedlog mjere za koju se traži podrška bude ocijenjen od strane više sekretarijata, prijedlog se smatra prihvaćenim ako svi sekretarijati izdaju odobrenje. U suprotnom, čak i slučaju da dobije samo jednu odbijenicu, prijedlog mjere za koju se traži podrška u pripremi / realizaciji smatra se odbijenim.

Izdavanje odobrenja ili odbijenice od straneovlaštenogtijela BiH

Član 9.

(1) Izvještaj o konačnoj ocjeni NAMA zajedno sa Zahtjevom za izdavanje odobrenja ili odbijanja NAMA (Prilog 3) Sekretarijat dostavlja Tehničkom sekretarijatu.

(2) Tehnički sekretarijat dostavlja zaprimljeni materijal članovima Izvršnog odbora DNA BiH na uvid, a predsjedavajućem Izvršnog odbora DNA BiH i pripremljeno pismo odobrenja (Prilog 5) ili pismo odbijanja za potpisivanje.

- (3) Predsjedavajući Izvršnog odbora DNA BiH potpisuje pismo odobrenja ili pismo odbijanja u roku od 5 dana i dostavlja ga Tehničkom sekretarijatu. Tehnički sekretarijat dostavlja pismo odobrenja ili pismo odbijanja predlagачu projekta, a kopiju dostavlja nadležnom Sekretarijatu.
- (4) Nakon ovoga, Tehnički sekretarijat i nadležni Sekretarijat entiteta odnosno Brčko distrikta registruju projekat u bazi podataka NAMA projekata na nivou BiH, entitetskoj, odnosno bazi Brčko distrikta. Sva dokumenta koja se odnose na evaluaciju projekta moraju biti arhivirana u Tehničkom sekretarijatu i Sekretarijatima entiteta, odnosno Brčko distrikta. Konačna odluka se objavljuje putem web stranice www.unfccc.ba i odgovarajućih entitetskih stranica.
- (5) Faza odobrenja projektnog dokumenta može trajati najviše 40 dana. Nakon izdavanja odobrenja, u roku od 5 radnih dana, Tehnički sekretarijat DNA BiH dostavlja odobrenu mjeru Registru UNFCCC i izvoru finansiranja (ukoliko taj izvor zahtjeva takav podnesak ovlaštenog tijela). Tehnički sekretarijat DNA BiH dostavlja odobrenu mjeru izvoru finansiranja samo kada je predlagач mjere dostavio traženi format i informacije. Kada ne postoji obaveza da odobrenu mjeru izvoru finansiranja dostavlja isključivo DNA BiH, predlagач NAMA može, na osnovu odobrenja, dostaviti prijedlog izvoru finansiranja. Kada mjeru koju dostavlja predlagач mjere podržava izvor finansiranja, predlagач NAMA o tome obavještava nadležni Sekretarijat DNA, što se evidentira u NAMA registru.

Stupanje na snagu

Član 10.


Ova dopuna Poslovnika stupa na snagu danom donošenja, a biće istaknuta na oglasnoj tabli Ministarstva za vanjsku trgovinu i ekonomske odnose Bosne i Hercegovine, a elektronske verzije bit će dostupne na web stranici Ministarstva spoljne trgovine i ekonomskih odnosa BiH, web stanici www.unfccc.ba, i web stranicama nadležnih entitetskih ministarstava i odjeljenja Brčko distrikta.

Datum:


Mjesto:

Članovi Izvršnog odbora DNA BiH:

SREBRENKA GOLIĆ, ovlašteni predstavnik Ministarstva za prostorno uređenja, građevinarstvo i ekologiju Republike Srpske, predsjedavajuća Izvršnog odbora DNA BiH


.....


....., ovlašteni predstavnik Federalnog ministarstva okoliša i turizma Federacije Bosne i Hercegovine


.....

IGOR JEVTIĆ, ovlašteni predstavnik Ministarstva spoljne trgovine i ekonomskih odnosa Bosne i Hercegovine


.....

SINIŠA JOVANOVIĆ, ovlašteni predstavnik Odjeljenja za prostorno planiranje i imovinsko pravne odnose Brčko Distrikta


.....

OBRAZAC ZA PROVJERU I ODOBRAVANJE MJERA ZA UBLAŽAVANJE KLIMATSKIH PROMJENA OD STRANE DNA BOSNE I HERCEGOVINE

Naziv mjere:

Ime i funkcija podnosioca zahtjeva:

Organizacija:

Adresa organizacije:

Tel: Faks: E-mail:

Ime i kontakt podaci agencije koja realizuje mjeru:

Zahtjev se podnosi za:

odobranja mjere za koju se traži podrška u pripremi

Prilozi:

- prijedlog mjere za koju se traži podrška u pripremu (PSP) (obavezno) u formatu UNFCCC-a i formatu koji zahtjeva drugi izvor finansiranja, ako postoji;
- kratak opis mjere (obavezan tekst);
- ostala relevantna dokumentacija (ako postoji);
- prevod svih dokumenata na lokalni jezik (obavezno);
- elektronska verzija svih dokumenata na lokalnom i engleskom jeziku (obavezno);
- izjava o dobrovoljnom učešću u mjeri (Prilog 2) (obavezno);

Odobrenje mjere za koju se traži podrška u realizaciji

Prilozi:

- prijedlog mjere za koju se traži podrška u realizaciji u formatu UNFCCC-a i formatu koji zahtjeva drugi izvor finansiranja, ako postoji (obavezno);
- izjava o dobrovoljnom učešću u mjeri (Prilog 2) (obavezno);
- kratak opis mjere (obavezan tekst);
- odobrenje mjere za koju se tražila podrška u pripremi, kada mjera podliježe odobranju u fazi pripreme (obavezno);
- ako prijedlog sadrži povjerljive informacije, predlagač mjere dostavlja i verziju koja će se koristiti u svrhe objavljivanja (ako se traži);
- odluka o ocjeni uticaja na životnu sredinu (ako se traži);
- svi drugi relevantni dokumenti (npr. dozvola za korišćenje vode, građevinska i upotrebna dozvola, sporazum o nabavci električne energije, studija izvodljivosti, itd.) (ako su dostupni);
- prevod svih dokumenata na lokalni jezik (obavezno);
- elektronska verzija svih dokumenata na lokalnom i engleskom jeziku (obavezno);

Datum podnošenja:

Potpis podnosioca zahtjeva:

[pečat]

Ispunjava DNA sekretarijat :

Registarski broj:

**IZJAVA
O DOBROVOLJNOM UČEŠĆU U NAMA PROJEKTU**

Ovom izjavom, ja [*ime, funkcija*], u svojstvu predlagača projekta-mjere za ublažavanje klimatskih promjena (NAMA), dobrovoljno prihvatam učešće u projektu [*naziv mjere*] koji će se realizovati u Bosni i Hercegovini u sklopu Okvirne konvencije Ujedinjenih naroda o promjeni klime (UNFCCC).

Potpis: [*predlagač mjere*]

[pečat]

Datum:

Obrazac za ocjenu NAMA projekta

Za projekat: *(naziv mjere)*

Zahtjev za ocjenu primljen dana: *(datum)*

Stručnjak:

Ime i prezime:

Funkcija / institucija:

OPŠTA OCJENA:

1. Da li je predložena mjera zadovoljila provjeru prema svim eliminatornim kriterijumima za doprinos ublažavanju posljedica klimatskih promjena i svim relevantnim vladinim politikama? (Koristiti tabelu 2 i relevantnu listu dokumenata)

Da / ne

2. Navesti konačan broj bodova za svaki ispunjeni instrument održivog razvoja za ocjenu mjere (koristiti tabelu 4).

Ukupan broj bodova:

PREPORUKA:

Preporučujete li da se predložena mjera usvoji i izda odobrenje?

Da / ne

(u slučaju odbijanja, navesti razloge i sugestije / preporuke (ako ih ima) za doradu prijedloga projekta)

Napomena: Svi ispunjeni obrasci moraju biti priloženi.

Potpis:

Datum:

Memorandum nadležnog entitetskog ministarstva ili Odjeljenja
Brčko Distrikta koje je sjedište Sekretarijata

Datum:

Broj akta:

ZAHTJEV ZA IZDAVANJE ODOBRENJA ZA NAMA PROJEKAT: (naziv)

Predsjedavajućem Izvršnog odbora DNA BiH

Poštovani,

Nakon ocjene mjere [*broj prijedloga kao u obrascu zahtjeva, naziv i vrsta mjere*] koju je predložio [*naziv predlagača mjere*] u skladu sa procedurama za ocjenu i odobravanje mjere,

preporučujem da se izda odobrenje i projekat dostavi Registru UNFCCC-a i odgovarajućem izvoru finansiranja kao NAMA za koju se traži podrška u pripremi / realizaciji.

Ime i prezime ministra nadležnog entitetskog
Ministarstva/predstavnika odjeljenja Brčko distrikta,
koje je sjedište Sekretarijata:

Potpis:

[pečat]

Obrazac odobrenja za NAMA projekte

BOSNA I HERCEGOVINA

OVLAŠTENO TIJELO ZA PROVOĐENJE PROJEKATA MEHANIZMA ČISTOG RAZVOJA/RAZVITKA I MJERA ZA
 UBLAŽAVANJE KLIMATSKIH PROMJENA U BOSNI I HERCEGOVINI
 ОВЛАШЋЕНИ ОРГАН ЗА СПРОВОЂЕЊЕ ПРОЈЕКТА МЕХАНИЗМА ЧИСТОГ РАЗВОЈА И МЈЕРА ЗА
 УБЛАЖАВАЊЕ КЛИМАТСКИХ ПРОМЈЕНА У БОСНИ И ХЕРЦЕГОВИНИ
 DESIGNATED NATIONAL AUTHORITY FOR CDM AND NAMA PROJECTS OF BOSNIA AND HERZEGOVINA

PISMENO ODOBRENJE

Za: *[naziv i adresa predlagača mjere]*

Datum:

U vezi sa *[broj prijedloga kao u obrascu zahtjeva, naziv i vrsta mjere]*, koju predlaže *[naziv predlagača mjere]*, DNA Bosne i Hercegovine,

nakon ocjene projekta u skladu sa procedurama ispitivanja i odobravanja mjera za ublažavanje klimatskih promjena, izjavljuje sljedeće:

1. Bosna i Hercegovina je strana potpisnica UNFCCC i njenog Kjoto Protokola;
2. Ministar na čelu Ministarstva za prostorno uređenje, građevinarstvo i ekologiju Republike Srpske obavlja ulogu predsjedavajućeg Izvršnog odbora DNA BiH;
3. Bosna i Hercegovina dobrovoljno učestvuje u predloženoj mjeri;
4. Projekat doprinosi postizanju ciljeva održivog razvoja za Bosnu i Hercegovinu.

Predsjedavajući DNA, BiH obavezuje se:

1. da će navedenu mjeru dostaviti Registru UNFCCC i izvoru finansiranja *[naziv izvora finansiranja]* (ako ima);
2. da će DNA Bosne i Hercegovine pružiti svu potrebnu pomoć u budućim aktivnostima u okviru mjere.

Predsjedavajuća Izvršnog odbora Ovlaštenog
 tijela/organa za CDM i NAMA projekte
 SREBRENKA GOLIĆ

Potpis:

[pečat]

